


# OHANSON

COMPOSET

**Var sujet an Dançou hac an Tenedegou.**



Var ton : *Ar C'hase.*

Me ho ped, habitantet, tud a bep qualite  
Dont da zelaou eur chanson composet a neve,  
A zo grêt gant daou zoudart arruet er c'hontre  
En o brassa plijadur, pa oa mad o c'honje.

O tremen bourg o faros, int en em arrêtet  
O velet an tyez nevez a oa amàn savet.  
Gant an numero trizec pa m'oa ranquet quitât  
Ne voa nemet pêvar zy a cabanen va zad.

Brêmâ eus ouspen daouzec demeusa d'yez bras  
Ornet eus eur bot illio, un anseign hac un taç.  
An dud a binvidiguez a fournisso arc'hant  
D'o dere'hel en ton huel a da bea patant.

Ne meus netra da lavaret demeus an ostisien,  
Ha re a so tud honest hac a zalc'h mad o fen.  
Mont a ra un abondanç a dud a galite  
Da zy tebiterien boisson gant o zies nevez.

Comzàn qet an hotelliou, ne fel qet din avanç,  
Ar c'hommerç so necesser e pevar c'horn ar Franç.  
Lêzomp an tyez nevez en o frosperite,  
Ma vo tout peb a hini a drugarez Doue.

Be a zo menagerien ha zalc'h tennou mad,  
Da vont da zicour an hostis, alies da chareat,  
Da furnis ar materiou evit sevel an ty;  
Goude en eur reveno e bugale hac hy.

Pa deu an nos da asten tostât da volargez,  
E custum an hostizien prena cartou nevez  
Evit ober eur barti d'en em divertissa,  
Qercouls da re dimeet ha da re yaouanca.

Ha divar ar triconniou e ve savet arc'hant  
Evit ober ar regal da pehini e c'hoant.  
An hostis, an hostises a yêlo er barti,  
Nemet pa vezo danger demeus ar gendarmeri.

En eur zal tapisset hac alies sclassen  
Evit ar bropriete cazi azioc'h o fenn,  
An hostis a remerco e sclassennou coant,  
E c'honeo ar bârti, joaus ha triumphant.

Merc'het an amezeguez en coulz ar gouspero  
A chom en hostaliri da c'hoari domino,  
Hac an aliessa mercou a baeo ar c'hafe  
Hac an effajou lipous ar seurt a blijo dê.

Tostic d'an hostaliri, ma ve eur franquisen,  
Vez formet eun dennadec da denna var ar guen.  
Ar sonner a vo ivez da sonna eun obaden;  
Ar voutail hac ar veren a vo en e guichen.

Peurvuya an danserien ve sujet d'ar sec'het.  
Hac e ve guerzet dêze demeus ar guin trinquet.  
An hostis a brofito demeus ho tud yaouanc,  
Hac'houi tadou ha mestrou a fournissoarc'haat.

Echu an obaden, êru da defalâd,  
E teu an dabatieren da gommanç hardiad.  
Muyoc'h a ya d'an davarn evit a ya d'ar guer  
Quen a vez bet cloc'h noveur pe ouspen, mar galler. ]

Leveret din tud ancien petra a c'honeet  
Pa vez bet o tud yaouanc d'ar zul en dennec.  
P'o pezh ezom aneze d'al lun deus ar here.  
Vent carguet a c'hoant cousquet cazi bete creiz de.

Pa vezint bet er gousperou gant moderation,  
E ve digen o speret ha tranquil o c'halon.  
C'houi a velo aneze ebars en assurance,  
Ha pa eo digant Doue e teu ar brovidanç.

Eur beajour, o tremen, en devez goulennet  
Digant eun den o c'harât er parq gant e guezec,  
Leverit din, va mignon, pelêc'h e vin loget  
Elec'h m'a zo tud honest, ma ne vin quet laeret.

An den m'ân dre garantez a chommas en e za;  
Rêson o c'heus, va mignon, me lavar dec'h brêmâ,  
Eur goas coz a zo aze a zalc'h hostaliry,  
Ne zeus nemet tud honest o tarempret e zy.

Bea zo hostisezet so muyoc'h exigeant,  
A receo mad o mignon ha guelloc'h e arc'hant.  
P'o pezh grêt eun tam scoden aroc mont da gousquet,  
E cresco an anter a ben ma tifunet.

Ha ma teuet da ziferi e pêfot, goaz a ze,  
E vo galvet ar vates da c'hout ar virione;  
E lavaro de vestrez muyoc'h a dle amàn,  
Bet a voa c'hoas peder flac'h o eva digantàn.

Ar paour quèz den youanc mèn a grav costez e-benn.  
Me sonje din m'oa arc'hant da baea va scoden;  
Mes c'houi a rayo eur billet, me zino aneàn,  
Ha pa vo qer heb autrou a deuyo d'o paea.

Cetu amàn da gommanç va montr ha va chaden,  
Ha va mezellour godel ha pêvar scoët ouspen.  
C'houi a zo eun den a verit, o fêçon a plich din;  
Ne deus fortun er baros a yêlo queit a c'houi.

Tao din gant gourc'hemennou ar mevier obstinet,  
Flêria a ra e c'hinou diyar ar guin triquet.  
Pa erruont en ilis evel tud insolant,  
Ne bad den en o c'hichen gant c'hoes ar guin-ardant.

Gant eur chiquennat butun n'o devezs mez abet,  
Bosset en corn o guinou epad an ofern-bret,  
Suffis a ma c'haï var eur c'hlin nebeut a ma c'hello  
Evit caout plaç da granchal ha divoal e vrago.

Dec'h divea, emezi, a voa lavaret din  
Ve ar guin hac ar butun a ra boulers an ty.  
Assur on a guementse, merquet ê var ar roll,  
Ne maquet var an douar hini a blich d'an oll.

Guir eo e souffro an hostis gant a r ravoderrien,  
Tud oajet ha dientent, cazi collet o fenn,  
A pa vez êt o arc'hant e c'heont en coler  
Da gonsoli Lucifer pa erruont er guer.

Er finvezo diveza sioas ne sonjer quet.  
Tud a beb condition, deus ar c'haer a disquet,  
A lavar eo eur maleur ar c'hoal deot er c'hanton,  
Ispicial ar merc'het a voal ompinion.

Clêvet oc'heus alies comz deus ar Mab prodig,  
Exempl da veur a hini, da baour ha da pinvidig.  
Emàn voa eun den yaouanc, eun den a galite,  
Goneet gant ar boesson meur a hini a ve.

Respont a ra an hostis me ne mèn quet guiriec,  
Goulen a ràn diouzoc'h petra vez d'o souhet,  
Perac dont d'am repreni, tud fos hac imprudent,  
Me garre vez dizec'het feunteun ar guin-ardant.

C'houi laca an dishenor en hostaliriou  
Betec dont d'en em ganna en quichen hou zreujou.  
Mes eo clêvet an eclao a sorti deus o pen ;  
Me zo mestr d'am guin-ardant, nan, n'o po quet a gren.

En despet d'am bolontez e roàn portion,  
Pa c'houlennet guin-ardant da zêvi o c'halon,  
A laca var an douar ar yeot glas da ruia,  
Ma vez an tan en o c'hodel ne vouefac'h quet en laza.

Da guenta ar guin-ardant a zo bet invantet  
Evit ober remejou deus c'hlenvet ar c'hezec.  
Laquat a ra an ardeur hac an hardieguéz  
Tud terrupl var o memor, n'a n'o pe quet a vez !

En em tennit d'an dançou, duze var ar gommun  
E ve tud a bep seurt etat o c'hedal o fortun,  
O vusuri o guinou e clasquàn digare,  
Pa vez an dud o tansal e trouc prezeg anè.

Echu ar passepie, neuse e vint guelet  
E vont d'an hostaliri quercouls hac ar voasset,  
Commeromp eur voutaillad etrezom da eva,  
Pa gommanço an obaden ni a yêlo da guenta.

Heuillet e vez ar fals prophet deus an hostalir̄  
Da vont da drempa e anchen dirac ar c'brucifi.  
Gair batronet ar pardon hac én a zeus moyen  
Gonit induljançou hac heuill ar sonnerrien.

Fiomp en Autorite ha finissomp ar son,  
Contemplomp an Aviel, an Imitation,  
Doctoret deus an Ilis hanvet Ebestel,  
O deus lêzet pepini da roula e quentel.

Me ho ped, tadou ha mestrou hac ive ostisien,  
Quelennet ho pugale hac ho servicherien  
Da gundui o reglen hervez ar c'hatekis,  
An Instructionou familier, *Gloria in excelcis.*

Evit rei sclêr da entent, quent evit finissa,  
Er bla c'hoec'h ha tri-uguent, goude trivarc'h cant vla,  
E bet composet ar recit gant eur speret dister  
Guinidic a Plouigneau, n'en dê quet scrifannier.

An neb en deus composetar son màn nesonjedrougebet,  
Retornet en e Barros p'en devoa meritet,  
Forcet da baea diou vech, e c'ha fachel d'ar guer  
Da gomposi e chanson eur soudard voltiger.



FIN. PROPRIÉTÉ.

E Moullet, e ty LÉDAN, e traon ru ar Vur.